

Per los « mespresats »,
al nom dels defensors de l'occitan al collègi

Alprèp del Conselh d'Estat

Una requèsta en anullacion de la reforma del collègi, serà depausada formalament,

EN PRESÈNCIA DE LA PREMSA E DELS « MESPRESATS »

**lo diluns 29 de junh de 2015, 11 h, 1 carrièra del 4 de setembre, 24000
Peiriguers**

Dempuèi la lei Deixonne (1951) e ducas al debut de las annadas 2000, las possibilitats d'ensenhament de l'occitan a l'escòla primària e dins lo secundari (collègi e licèu) èran estadas alargadas e avián permès una aumentacion importanta dels efectius.

Òr, dempuèi un dotzenat d'annadas, **lo ministèri de l'educacion nacionala procedís a una limitacion regulara de las possibilitats d'ensenhament de las lengas regionalas**, malgrat l'interès de las familhas, dels escolans e l'implicacion que creis de las collectivitats territorialas.

Per la nòstra lenga, las dificultats son mai fòrtas encara, que contràriament a d'autras lengas regionalas coma lo breton, lo basc o lo còrse, **l'Estat central a pas pres la pena de li atribuir cap de mejans suplementaris**. Los mejans son en efiech preses sus la dotacion globala dins lo quadre d'una accion voluntarista dels Rectorats concernits.

La reforma dels collègis, qu'an publicat recentament, dins de definicions foscas e plan incompletas, **contraditz completament**, sus la question de las lengas regionalas, **lo còdi de l'educacion (art. L.312-10)** que prevei que las **modalitats de l'ensenhament** de las lengas regionalas devon èsser **definidas per via de convencion ambe las collectivitats territorialas**, coma es lo cas en Aquitània e en Miègjorn-Pirenèus, e non pas de faïçon unilateral per l'Estat.

« Pro d'estre mespresats ! »

« Gardarem las convencions ! »

Per tal d'introduire aquel recors per excès de poder alprèp del Conselh d'Estat, obténer l'anullacion del decret e de l'arrestat concernits, e defendre las convencions Region – Rectorat, un collectiu informal, denotat « los mespresats » e dont l'iniciativa es estada presa a Peiriguers, se constituís uèi al nom dels defensors de l'ensenhament de l'occitan al collègi de totas las regions occitanas.

Lo collectiu « los mespresats », gropament informal, a designat per lo representar dins son accion alprèp del Conselh d'Estat, coma mandatari :

Marciau Peyrouny, professor certificat fòra classa d'occitan-letras modèrnas
Chivalièr de las Palmas academicas
Contacts : martial.peyrouny@wanadoo.fr ; tel. 06 12 50 17 58.